

**■ GLOSSA**

# Arder per El mo per El!

DA SILVIO CAMENISCH

**J**au daventass er gugent dretg burgais svizzer, co fatsch jau quai il meglier? Jau sun schon burgais, ma betg dretg burgais svizzer. Hai jau insumma il dretg, u sto jau ma laschar vaccinar u nudar cun fier chaud u insatge? A mai n'èsi er nagliur endretg da betg esser endretg. Tup. Tants e tantas stattan a mai davant il sulegl, tants èn sezs tut sulegl per El mo per El, figura da bab dominanta Christoph.

**J**au na sun betg Brahms, ma bram ardentamain dad er daventar dretg burgais svizzer; El fiss segir losch da mai, jau segir er da mai. Anc ballantsch jau mordiò en las sugas da persvasiun e confessiun en il parc da sugas da la partida dal sulegl. Ès quai ussa la Pro Sulegl, sco quai che tschella è la Pro Idioms? Jau tem bain. La tema n'è anc darar stada in buna cusseglia, en quests dus cas extremis bain.

**N**a bram jau (anc) betg ardentamain da daventar endretg tenor Sia sumeglià, la dunna fitg fitg observanta da Razén, jau crai da là, i fa daditg. Arder da dadens anor. Uschia da dadens anor na sto i betg tar mai, tar mai betg, mo flaivel softie na less jau betg, na cuntentass er betg vairamain. Nicht wirklich. Jau less er esser facla arden-



ta per El mo per El, also sch'i drova mai, stun jau a disposiziun.

**F**orsa pudess jau purtar disegns dal sulegl a noss bab, bazegner e nossegner Christoph e tatgar els cun araldit u cementit, er egal, sto mo tegnair, davant Ses pult d'oratur, mes pult n'èsi betg, sun betg uschia in da pults. Ardan ils ins da dispit rai-ver sin tut ils pults d'oratur, da predicatur davant las massas, er rumantschas, jau betg. Mes plaz è giu qua sut ils pults, da là guardar cun aduraziun si tar El mo tar El. Nus stain sin pais chantain ardentamain cun El e per El: Cur che la pizza bain marvegl, splendurescha il sulegl da la partida, e davostiers stat tar El adina la ferma dunna, n'ha betg mintgin, essan nus er scuidus sco mo insatge.

**B**etet, freie Schweizer, betet... cun ardur, da

dadens anor, per El mo per El. Spargna a nus dad ir a messa ordinaria. Betg laschar or dad egl ils confedereds qua sura, e pir ils fermis placats cun tantas chommas nairas, stivals nairs: Masseneinwanderung stoppen! Jau chant gugent per la buna chausa, è la chausa buna chant jau gugent. Jau na fatsch betg il filosof sabiut, dumond: È la chausa necessaria?, È la chausa necessaria, è ella betg dispitaivla? È ella betg dispitaivla, è ella betg disgustusa? Pertge duess'la? Nossa communitad dal sulegl è da l'avis che noss placats meritian l'award „Megliers placats da l'onn, èn auters aber er scuidus.

**T**gi pudess dir a mai co che jau daventass pli baud pussaivel in dretg svizzer? Anc sun jau betg, tutg tar ina societad parallela dator. Tup, navair. So. Jau ma lasch vaccinar il veterinari chantunal diversas giadas, betg encunter la lieunga blava u tgenina, ma lasch dar squittas ormonalas dad er arder per El e Sias armadas, las mias n'èsi betg. L'emprima giada fai anc mal, stoss jau segir bragir e curre tar mes mami a mussar, la segunda giada schon main. La terza giada, la terza giada na poss jau betg spetger, sun jau aber chalira gailira, ma smirvegl jau mez.

silvio.camenisch@bluewin.ch